



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Avla ... Thesavrorvm Dei In Passione D. N. Iesv Christi  
Effusorum ad Resvrrectionem Mvltorum**

**Eyschen, Georg von**

**Coloniae, 1655**

§. 268. Venit Maria Magdalena & altera Maria videre sepulchrum. v. 1.

**urn:nbn:de:hbz:466:1-45515**

festi, quod nil operari nequidem lugere solemniter licebat, aut emere &c. inceperint statim piæ illæ matronæ se præparare ad visitandum Christi sepulchrum unaquæque iuxta fidem suam, & amoris erga Dominum perfectionem: nam aliquæ excellentiori fide prædita uti B. V. Maria, & uti ex textu apparet, Maria illa Magdalena, de qua VII. dæmonia eiecerat olim Dominus, certæ de Resurrectione nulla aromata appararunt; aliæ vero ad unguendum, quem putauerant, uti cæteros mortales defunctum, aromata compararunt, ut sic statim mane sequente post Sabbatum duplex, seu post Sabbata (nam & hebdomadariū eodem die Sabbatum fuerat, & simul Paschæ solemnitas) venientes non vacuæ, vngerent Iesum casu quo daretur accessus ad corpus. ô fides! ô amor! ô diligentia Deo grauiſſima, & multis modis sed diuersis iuxta perfectionem diuersam remuneranda!

**A** Manſiſſime Iesu quod illæ piæ Matronæ intenderunt & fecerunt, da & mihi hanc gratiam obsecro ut & ego ſpiritualiter idem intendam & faciam hoc vespere Sabbathi ſcilicet quamdiu in his mundi tenebris vector, antequam luceſcat prima dies Sabbathi æterni ſiue lucifer ille æternus oriatur fac ut me præparem ſedulo comparâdo varia virtutum aromata ne vacuus operum bonorum ad te accedam te ſole luceſcente in die reſurrectionis, ut & tunc bonus odor appaream ante te, exemplo, vita, moribus in quibus hæcenus (cheu prò pudor & dolor!) comparando parum laboraui.

§. 268. *Venit Maria Magdalena & altera Maria videre ſepulchrum. v. 1.*

Quid igitur factum eſt iſto vespere, ſequente magnum illud ſabbatum? primò duæ fide excellentiſſimæ perſonæ inducuntur vna peccatrix olim & obnoxia Dæmoni, altera plane libera à peccato & iugo Diaboli; Maria ſcilicet Magdalene, & altera Maria de quibus narrat Mattheus, quod venerint mane videre ſepulchrum. Pulcherrime, videre ſepulchrum ut ſi dæ harum indicet quæ veniunt, non ad unguendum ſed videndum, euacuatum potius quam obfirmatum monumentum, pulcherrime etiam mulieres inducuntur, ne ſi Viri primo veniſſent, ab his furatum corpus ſuſpicio probabilis poſſet ſuboriri. quam ob cauſam autem dicat Euangelista in ſingulari numero, venit, cum tamen duæ venerint, & ſero ſiue vespere, myſterio non caret Theologico, ut propter quam, tamquam peccatricem erat mortuus, propter eandem etiam reſurgere indicaretur, & ſero venit ad veniam, que maturè cucurrerat ad culpam, contendit rapere de morte vitam, quæ de vita rapuerat mortem.

Quis

**Q**uis dabit vt ita veniam ad te Deus meus, sicut hæc Magdalena, vt omni tempore contendam rapere de morte vitam, qui de vita rapietiam maturè mortem.

§. 269. *Et Altera Maria. v. 1.*

Quænam autem fuit hæc altera illa Maria, cuius nomen Matthæus silentio præterit? opinor fuisse Mariam Matrem Christi quæ ex desiderio videndi & salutandi filium cum Maria Magdalena iuit versus sepulchrum summo mane cum iam secunda vespera Sabbati Magni ante dicti transisset, imò adhuc tenebræ essent in horizonte Ierosolymorum, harum tenebrarum ramen nulla hic fit mentio, quia quæ veniebant fidei luce non carebant: Et sic verè primo occurrerit eis, & se præsentauerit filius & Matri, & Magdalene simul: Maximè eum dicat Theophilus quod aliæ fuerint mulieres quæ à Matthæo, aliæ quæ à Marco describuntur: cui etiam cū aliorum Patrum sententia, tanquam aptissimæ ad Resurrectionis historiam intelligendam insisto.

**D**omine agnosco S. matris Ecclesiæ Catholicæ sapientiam à Spiritu S. doctæ, quæ semper tenuit te primo omnium matri tuæ apparuisse, & nihilominus teste S. Marco etiam primo apparuisse S. Mariæ Magdalene. Ecce vtrique verū est docente S. Matthæo modum. O si & ego sim diligens, vt te quæram, omni tempore, manè, diluculo, meridie & vesperi adiuuante, & comitante B. M. V. Matre tua ut & tecum sim omni tempore, & conuerfer mente, nulli parcens labori vt te inueniam, & honorem. O me felicem si illa comite semel perfecte te inuenero, tenuero, honorauero omnibus abiectis creaturis.

§. 270. *Et Ecce terra motus factus est magnus. v. 2.*

Dum irent videre sepulchrum duæ hæc mulieres fide plenæ ecce subito fit Resurrectio Domini & oritur magnus terræ motus, & vt terræ motus fuit quando Christus expirauit in signum tristitiæ; ita modo cum resumeret Corpus eius sacrum spiritum vitæ, terram contingebat moueri, in signum lætitiæ: Nolite terreri piæ Matronæ, progredimini, fidite Deo, ipse author est vitæ, quod dixit, efficiet, dixit enim post tres dies resurgam, tertia iam dies est, ergo resurrectionis dies & lætitiæ vniuersi, non tristitiæ, quia terra cum exultatione reddit Christum redemptorem suum mundo quem absconderat. Principum ingressus in urbem honoratur explosione tormenti, & fit motus modici aëris; at Christus Princeps orbis honoratur commotione vniuersi.

**O** Iesu mundi redemptor, Princeps Regum terræ, domitor inferni, re-  
dux de barathro, Triumphator mortis &c. gratulor & gaudeo, quod

Z

tantus